

თელავის მუნიციპალიტეტის საკრებულოს  
საფინანსო-საბიუჯეტო კომისიის სხდომის

ოქმი N 14

ქ. თელავი

19.12.2022 წელი

**თავმჯდომარეობდა: ზურაბ ლილუაშვილი**

ესწრებოდნენ კომისიის წევრები: უჩა ჭოტიაშვილი; თამარ ხატიაშვილი; მამუკა ბურდიაშვილი; გიორგი ხაჭაბურიძე; გიორგი ქართლელიშვილი; გიგი გიგიტელაშვილი; რუსულან იმერლიშვილი; ნინო ომანიძე.

სხდომას აგრეთვე ესწრებოდნენ: დეპუტატი - მარიამ ლილუაშვილი. საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერის მოადგილე - ფიქრია ყუშიტაშვილი; თელავის მუნიციპალიტეტის მერის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი - თედო ხოსროშვილი. მოქალაქე - მაკა მოსიაშვილი; არჩილ მჭედლიშვილი. პრაქტიკანტი - მარიამ ფხალაძე.

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

**დღის წესრიგი:**

1. „თელავის მუნიციპალიტეტის 2023 წლის ბიუჯეტის პროექტის“ განხილვის შესახებ.  
მომხსენებელი - ზ. ლილუაშვილი  
თანამომხსენებელი - ნ. ვაყელიშვილი

**მოისმინეს:** 1. „თელავის მუნიციპალიტეტის 2023 წლის ბიუჯეტის პროექტის“ განხილვის შესახებ.

**აზრი გამოთქვეს:** ზ. ლილუაშვილმა ისაუბრა „თელავის მუნიციპალიტეტის 2023 წლის ბიუჯეტის პროექტთან“ დაკავშირებით. აღნიშნა, რომ ყველა საკითხი გავლილია დეტალურად მერიის შესაბამის სამსახურებთან ერთად და მუნიციპალიტეტის საკრებულოს მიერ გამოთქმული შენიშვნების უმრავლესობა გათვალისწინებულია.

კომისიის წევრებმა და დამსწრე დეპუტატებმა გარკვეული განმარტებები მოსთხოვეს თელავის მუნიციპალიტეტის მერიის საფინანსო-საბიუჯეტო სამსახურის უფროსს - ნ. ვაყელიშვილს.

მან აღნიშნა, რომ წარმოდგენილი პროექტმა ცვლილება განიცადა. შემოსავლების ნაწილში გაიზარდა დამატებული ღირებულების გადასახადი და სხვა შემოსავლები და

ამის გათვალისწინებით თელავის მუნიციპალიტეტის 2023 წლის ბიუჯეტი განისაზღვრება 35910,60 ათასი ლარით. მან ასევე აღნიშნა რომ გაზრდილი ბიუჯეტის ფონზე მოხდება 800,0 ათასი ლარით სკოლამდელი დაწესებულებების ფუნქციონირების მუხლის (7213,60 ათ. ლარი) ზრდა, რაც სრულად მიმართული იქნება დასაქმებულთა შრომის ანაზღაურებაზე. ასევე ბიუჯეტში ისევ დაემატა სათბობით უზრუნველყოფის პროგრამა, სადაც შეიცვალა დაფინანსების ფორმა - სოციალურად დაუცველ პირთა დახმარება- 300,0 ათასი ლარი.

დეპუტატებს კითხვები ქონდა იმ ინფრასტრუქტურული პროექტებთან დაკავშირებით, რომლებიც ვერ მოხვდა 2023 წლის ბიუჯეტის პროექტში.

გ. ხაჭაპურიძე - როდის მოხდება დ.აღმაშენებლის გზის და ალაზნის გამზირის N8 კორპუსის ეზო რეაბილიტაცია - თ. ხოსროშვილმა უპასუხა, რომ ჭარბი შემოსავლების და ნაშთის გადანაწილების დროს შეძლებისდაგვარად იქნება გათვალისწინებული.

გ. გიგიტელაშვილი - 2023 წელს ბიუჯეტში გამოიძებნება თუ არა თანხები თელავის მუნიციპალიტეტის სოფ. კურდღელაურის N27 ქუჩის, კულტურის სახლის დასავლეთის კედლის რეაბილიტაციისთვის. რაზეც თ. ხოსროშვილმა უპასუხა, რომ ამ ეტაპზე სოფ. კურდღელაურის მე-5-ე ქუჩის რეაბილიტაციაა დაგეგმილი. თანაბრობის პრინციპის გათვალისწინებით ბიუჯეტის ფარგლებში, მუნიციპალიტეტის ყველა სოფელი მეტ-ნაკლებად უნდა მოიცვან, ამიტომ არ შეძლება ზოგ სოფელში საერთოდ არაფერი გაკეთდეს და ზოგან ყველაფერი.

თ. ხოსროშვილმა აღნიშნა, რომ 2023 წელს არასამთავრობო ორგანიზაციის დაფინანსებით, თელავის დრამატული თეატრის უკან არსებულ ტერიტორიაზე გაკეთდება ჭაბურღილი, რომელიც დაკავშირებული იქნება საირიგაციო სისტემასთან და სრულად მოირწყვება არსებული სკვერები.

ამდენად, ზ. ლილუაშვილმა კენჭი უყარა წარმოდგენილ პროექტს, რაზეც კომისიაზე დამსწრე წევრების სრული მხარდაჭერა ჰქონდა.

გადაწყვიტეს: კომისიამ „თელავის მუნიციპალიტეტის 2023 წლის ბიუჯეტის პროექტი“-ს შესწორებული ვარიანტი შეაფასა დადებითად. მომზადდა შესაბამისი დასკვნა (ოქმს თან ერთვის) და მიზანშეწონილად მიიჩნია „თელავის მუნიციპალიტეტის 2023 წლის ბიუჯეტის პროექტი“ წარედგინოს საკრებულოს ბიუროს სხდომას. საკრებულოს სხდომაზე განხილვის მიზნით.

საფინანსო-საბიუჯეტო  
კომისიის თავმჯდომარე

ზ. ლილუაშვილი

## „თელავის მუნიციპალიტეტის 2023 წლის ბიუჯეტის პროექტი“-ს

დ ა ს კ ვ ნ ა

ადგილობრივი თვითმმართველობის კოდექსის 91-ე მუხლის პირველი ნაწილის შესაბამისად, „თელავის მუნიციპალიტეტის 2023 წლის ბიუჯეტის პროექტის“ საკრებულოში წარდგენა მოხდა 2022 წლის 15 ნოემბერს. წარმოდგენისთანავე დეტალურად იქნა განხილული მერიის შესაბამის სამსახურებთან ერთად და მუნიციპალიტეტის საკრებულოს კომისიებისა და ფრაქციების მიერ. ადგილობრივი თვითმმართველობის კოდექსის 91-ე მუხლის მე-4-ე ნაწილის თანახმად, თელავის მუნიციპალიტეტის საკრებულოს კომისიების და ფრაქციების სხდომაზე წარმოდგენილი შენიშვნები 25 ნოემბერს თელავის მუნიციპალიტეტის 2023 წლის ბიუჯეტის პროექტი დაუბრუნდა თელავის მუნიციპალიტეტის მერს. რომლის შესწორებული ვარიანტი, თვითმმართველობის კოდექსის 91-ე მუხლის მე-5-ე ნაწილის თანახმად, 10 დეკემბრისთვის წარმოდგენილ იქნა თელავის მუნიციპალიტეტის საკრებულოში.

თელავი მუნიციპალიტეტის 2023 წლის ბიუჯეტის შესწორებული ვარიანტის წარმოდგენისთანავე დაიწყო განხილვა კომისიებისა და ფრაქციების მიერ, მერიის შესაბამის სამსახურებთან ერთად, იმ შენიშვნების მიხედვით, რაც ბიუჯეტის პროექტის პირველადი ვერსიის განხილვის დროს გამოიკვეთა.

„თელავის მუნიციპალიტეტის 2023 წლის ბიუჯეტის პროექტის“ შესწორებული ვარიანტში შეძლებისდაგვარად გათვალისწინებულია კომისიებისა და ფრაქციების მიერ გამოთქმული შენიშვნები. რაც შეეხება შენიშვნების იმ ნაწილს რომელიც ამ ეტაპისთვის ვერ მოხვდა თელავის მუნიციპალიტეტის 2023 წლის ბიუჯეტის ფორმირების დროს, წლის განმავლობაში მაქსიმალურად გათვალისწინებული იქნება ჭარბი შემოსავლების და ნაშთის გადანაწილების დროს, რადგან არსებული შენიშვნები და რეკომენდაციები თელავის მუნიციპალიტეტის პრიორიტეტს წარმოადგენს.

წარმოდგენილი პროექტის მიხედვით, საგადასახადო შემოსავლების საპროგნოზო მაჩვენებლები შეესაბამება საქართველოს საბიუჯეტო კოდექსის 77-ე მუხლის 6-ე და 61-ე პუნქტების გათვალისწინებით საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს და 2023 წლის პროგნოზით მუნიციპალიტეტის ბიუჯეტის საგადასახადო შემოსავლები ნომინალურ გამოხატულებაში 29585,60 ათასი ლარს შეადგენს.

2023 წელს საგადასახადო შემოსავლების პროგნოზი გადასახადის სახეების მიხედვით შემდეგია:

- ქონების გადასახადის საპროგნოზო მაჩვენებელი - 7400,0 ათასი ლარი;
- დამატებული ღირებულების გადასახადის საპროგნოზო მაჩვენებელი 22185,6 ათასი ლარი;

გრანტის სახით (დელეგირებული უფლებამოსილების განსახორციელებლად მისაღები შემოსავლები) დაგეგმილი საპროგნოზო მაჩვენებელი განისაზღვრა 435,0 ათასი ლარით;

სხვა შემოსავლების დაგეგმილი საპროგნოზო მაჩვენებელი განისაზღვრა 3890,0 ათასი ლარით;

არაფინანსური აქტივების კლების სახით მისაღები თანხების საპროგნოზო მაჩვენებელი განისაზღვრება 2000,0 ათასი ლარით.

ამდენად, წარმოდგენილი პროექტის მიხედვით, თელავის მუნიციპალიტეტის 2023 წლის ბიუჯეტი განისაზღვრა 35910,60 ათასი ლარით. რაც გასული წლის საწყის მაჩვენებელთან შედარებით გაზრდილია 7608,6 ათასი ლარით. აქედან გამომდინარე თელავის მუნიციპალიტეტის 2023 წლის ბიუჯეტი გაწერილია მუნიციპალიტეტისთვის პრიორიტეტულ დარგებზე. როგორიცაა:

1. ინფრასტრუქტურის მშენებლობა, რეაბილიტაცია და ექსპლუატაცია - 13094,6 ათასი ლარი, რაც გასული წლის საწყის მაჩვენებელთან შედარებით გაზრდილია 4365,2 ათ. ლარით (2022 წელი - 8729,4 ათასი ლარი);
2. დასუფთავება და გარემოს დაცვა - 1202,8 ათ. ლარი, რაც გასული წლის საწყის მაჩვენებელთან შედარებით გაზრდილია 132,0 ათ. ლარით. (2022 წელი - 1070,0 ათასი ლარი);
3. განათლების (სკოლამდელი აღზრდა) დაფინანსდება - 7373,60 ათ. ლარი, რაც წინა წელის საწყის მაჩვენებელთან შედარებით გაზრდილია 1130,2 ათასი ლარით (2022 წელი - 6243,40 ათ. ლარი);
4. კულტურა, ახალგაზრდობა და სპორტი დაფინანსდება - 4268,4 ათ. ლარი, რაც გასული წლის საწყის მაჩვენებელთან შედარებით გაზრდილია 240,6 ათასი ლარით (2022 წელი - 4027,8 ათასი ლარი);
5. ჯანმრთელობის დაცვა და სოციალური უზრუნველყოფა - მუნიციპალიტეტი 2023 წელს დახარჯავს 3280,80 ათას ლარს. გასულის წლის საწყისს მაჩვენებელტან შედარებით გაზრდილია 463,6 ათასი ლარით (2022 წელი - 2817,2 ათასი ლარი).

კომისიის გადაწყვეტილებით „თელავის მუნიციპალიტეტის 2023 წლის ბიუჯეტის პროექტი“ შეფასდა დადებითად.

საფინანსო-საბიუჯეტო  
კომისიის თავმჯდომარე

ზ. ლილუაშვილი